



## CONVENIO DE COLABORACIÓN ENTRE A FUNDACIÓN AMIGOS DE GALICIA E O CONCELLO DE MALPICA DE BERGANTIÑOS

En Malpica de Bergantiños, a \_\_\_ de \_\_\_\_\_ de 2016.

### REUNIDOS:

Dunha parte, D. Eduardo J. Parga Veiga, actuando no nome e representación do Concello de Malpica de Bergantiños, e sendo o C.I.F. do Concello P1504400A;

Doutra parte, D. Jesús Busto Peteiro con D.N.I. 76.506.101 M, como representante autorizado da Fundación Amigos de Galicia, sendo o C.I.F. da Fundación G15859911.

Ámbalas dúas partes se recoñecen mutuamente a capacidade xurídica necesaria para a formalización do presente Convenio e de común acordo,

### EXPOÑEN;

**Primeiro:** A Lei 38/2003 de 17 de novembro, Xeral de Subvencións establece no seu artigo 28 o procedemento de concesión directa de subvencións.

**Segundo:** A subvención que se tramita non pode ser obxecto de publicidade e concurrencia ao tratarse de actividades concretas realizadas por unha única entidade/persoa, ou que sendo realizada por varias, concédense a tódolos solicitantes.

**Terceiro:** Acredítase o interese público, social, económico ou humanitario da subvención.

**Cuarto:** O solicitante manifesta non estar en ningunha das situacións que establece o artigo 13.2 da lei 38/2003 que imposibilitan a obtención da condición de beneficiario, estando ao corrente nas súas obrigas coa Axencia Tributaria, a Seguridade Social, e a Comunidade Autónoma.

### CLAÚSULAS:

- I. A presente subvención ten por obxecto o desenvolvemento do **“Plan Integral contra Pobreza Infantil e pola súa Integración Social”** no cal se leva a



cabo a distribución de alimentos e outros produtos de primeira necesidade ás persoas necesitadas, sendo de interese público, social e/ou humanitario.

- II. As principais beneficiarias das axudas expostas neste convenio son persoas pertencentes a colectivos en situación de vulnerabilidade social, entre os que se encontran ***mulleres vítimas de violencia de xénero, familias monoparentais, parados de longa duración e menores en situación ou risco de exclusión social.***
- III. A actividade a subvencionar é a distribución dos produtos, e os custos que acarrea, para as persoas necesitadas do Concello de, concedéndose a cantidade de 3.500 €, con cargo á partida 231.48000. O órgano competente para a concesión e aprobación do gasto é o Alcalde ou a X.G.L. por delegación.
- IV. O beneficiario comprométese a destinar a devandita subvención á realización da actividade fixada, cumprindo o obxectivo contemplado na cláusula I.
- V. O pagamento da subvención será nun único pago; efectiva previa presentación dunha pequena memoria especificando o cumprimento do obxectivo e da documentación acreditativa dos gastos realizados (orixinal ou fotocopia compulsada de facturas e os seus xustificantes dos pagos), por importe igual ou superior á cantidade concedida.  
O prazo para a xustificación será de tres meses dende a celebración da actividade, ou en caso de subvencionarse varias actividades, dende a celebración da actividade, ou en caso de subvencionarse varias actividades, dende a última celebrada.  
No caso de que a subvención sexa por importe superior a 600,00€, o beneficiario deberá presentar orixinais ou fotocopias compulsadas dos certificados de encontrarse ao corrente nas súas obrigas coa Axencia Tributaria, Seguridade Social.
- VI. O beneficiario queda obrigado a reflexar, en toda a publicidade que utilice para a difusión da actividade, a constancia de colaboración económica do Concello, nas condicións que lle sexan fixadas polos responsables da Área de Comunicación. Asemade, o concello fará constar na súa publicidade a colaboración da Fundación Amigos de Galicia.

Nestes termos queda redactado o presente convenio, no contido do cal as partes intervincentes se afirman e ratifican, asinándoo, por duplicado e a un só efecto, na data no encabezamento expresada.

Asdo. Eduardo J. Pardo Veiga

Asdo. Jesús Busto Peteiro

Alcalde de Malpica de Bergantiños

Director Xeral  
Fundación Amigos de Galicia